

Landesbibliothek Oldenburg

Digitalisierung von Drucken

**Terentivs,|| A` M. Antonio Mvreto|| locis prope
innumerabilibus|| emendatus.||**

Terentius Afer, Publius

Venetiis, 1558 [erschienen] 1559

Scholia.

[urn:nbn:de:gbv:45:1-723936](#)

rem se absente duxisset: hic, quod uereretur, ne, ere= pta sibi hac collocandæ filiæ occasione, tota res fieret palam. eo ipso die, lano, citharistriæ, quam Phædriæ amabat, dominus, nisi sibi pro ea triginta minæ darentur, uenditurum se eam, minitabatur. ad eas conficiendas hanc fallaciam Geta configit: ait senibus, se cum Phormione collocutum: Phormionem uero, si sibi dotis triginta minæ darentur, paratum eam uxorem accipere, quam duxisset Antiphon. eam pecuniam Demiphon à Chremete sumptam numerat Phormioni. is eam Phædriæ; Phædria lænoni pro amica tradit. cum hæc iam confecta essent, agnoscitur Phanium. ibi uero se nes gaudere, quod, quas nuptias ipsi facere moleban tur, eæ ipsis absentibus, atque inscientibus factæ es- sent. sed dolebit, sibi perijisse triginta minas. eas dum à Phormione, primo blanditijs, postea etiam per uim eripere conantur: Phormio, qui iam de duabus Chremetis uxoribus, deq; tota re intellexerat, in clamat Nausicratam, eiq; aperit omnia. illa, cum aliquandiu de uiro conquesta esset, tandem placatur, filijq; ipsius iudicio omnia se permisuram pollicetur.

S C H O L I A.

Minu' multo audaciter, quam lædit, læde-
ret.) primū ab imperitis factū erat, ex audaciter, auda-
citer: deinde interiecta particula, nūc ad fulciendū uer-
sum. ego, quod in meo manu scripto libro perspicue scri-
ptū erat, id reposui. aduerbiū autem, audaciter, etiam
à Cicerone usurpatum fuisse, alibi docui ex Prisciano.

e

Et si



Et si tibi res sit cū eo lānone.) Ita quidē aper-
te legit Donatus; sed in omnibus tamen libris ueteribus,
Quo'd si tibi res sit : quæ lectio nihilo , ut ego quidē ar-
bitror , deterior est .

Ita ne tandem uxorem duxit Antipho iniussu
meo?) Alij omnes hic faciebant principium actus se-
cundi . quām inepte , nemo non uidet . neque enim sce-
na remanet uacua . neque dubitandum , quin ibi sit prin-
cipium secundi actus , ubi à nobis constitutum est .

Nam ; ni ita eum existimassem , nunquam
tam graues .

Ob hanc inimicitias caperem in uostram fa-
miliam ,

Quam is aspernatur nūc tam illiberaliter .)
In horum uersuum secundo , particula , ob , ut uidetur ,
est extra uersum . in eodem autem , nostram , pro , nostrā ,
alij scripserant , putantes , id , quod sequitur , Quam is
aspernatur , ad familiam referri . falso . ad ipsam enim
puellam refertur . neque uero se Phormio cognatum
puellæ esse fingebat . uostram familiam , aperte legitur
in antiquis .

- nam tu a

Præterierat iam ducendi ætas) Ita emendaui ex
ueteribus libris ; cum in alijs esset , ad ducendum .

Hei metuo lānonē , ne quid suat . suo capiti)
Profecto nunquam quisquam satis attente ueteres in-
spexit libros . hoc adeo ea ex re uenit in mentem mihi .

ego



ego abhinc triennium, eum primum hæc scholia diuul-
gare meditarer, Terentij fabulas cum plurimis cala-
mo exaratis uoluminibus, quām potui, diligentissime
contuli. præcipue autem unum, quod adhuc habeo,
quia ceteris emendatius uidebatur, ita diligenter inspe-
xi, liquido ut me iurare posse arbitrarer, nihil in eo,
quod quidem alicuius momenti esset, non accuratissi-
me excussum. sed cum postea eundem librum euolue-
rem, ualde equidem opinione falsum esse me comperi.
nam cum alia multa minime negligenda deprehendi:
tum hunc locum, quem nunquam antea intellecteram,
illius ope percepī. cum enim in alijs omnibus eodem mo-
do scriptum sit,

*Hei metuo lænonem ne quid suo suat capiti:
solus hic meus, quem dico, ita habet:*

Hei metuo lænonem, ne quid suat. suo capiti.
qua è scriptura horum uerborum sententia, quæ antea
latuerat, facile comprehendi potest. Suere enim apud
Latinos, ut & apud Græcos πάπτειν interdum ualeat
idem, quod, aliquid, quod alteri damnosum sit, strue-
re ac machinari. cum igitur dixisset Antipho, se me-
tuere, ne quid læno fueret, id est, ne quid dolose moli-
retur, addit, suo capiti: quorum uerborum ea uis est.
quæ quidem res ipsi lænoni uortat male, atque in ipsius
caput recidat. Ita autem loqui solitos ueteres, exempla
indicabunt. Demosthenes in Aeschinem: ἀστοὶ οὐδὲ τοῖς
οὖσι οἱ θεοὶ τρέψαντες κεφαλήν. Terentius Hecyra.

Aliquid tulisse comminiscetur mali.

Capiti atque ætati illorum morbus qui auctu' sit.
Cœlius ad Ciceronem. Te ad IX Kal. Iun. subrostrani,

e 2 quod



quod illorum capiti sit , dissiparant perisse . Cicero ipse , libro VIII. ad Atticū. Multa , inquam , mala cū dixisset : suo capiti , ut aiunt . quo quidem loco , quin ad hunc Terentianū Cicero respexerit , mihi dubium non est.

Do. Neque ego , neque tu .) In eodem illo libro , hoc non à Dorione , sed à Phædria dicitur : ut sit sensus . Neque ego quicquam efficere potui , neque tu poteris .

Fieri miserum , qui me dudum , ut dixti , adiurit comiter ?) Qui legebāt , adiuerit , nō animaduertebant , uersum ὑπερκοίλιον fieri . ut autem hic adiurit , pro adiuerit , dictum est , sic apud Ennium , adiuro , pro , adiuerio .

O Tite , si quid ego adiuro , curam ue leuasso .
Vbi uulgo perperam legitur , adiuto .

Nā hāc conditionē si cui tulero extraneo .)
Ita est in antiquis omnibus . at alij fecerant , extrario , quam uocem ego quidem latinam non puto .

Huic mandes , qui te ad scopulum è tranquillo inferat .) Nihil addidi , nihil detraxi , nihil immutavi : sed , quod in meo ueteri libro erat , quia sine ulla dubitatione uerum putabam , quām potui , fidelissime expressi .

Interea amici , quod polliciti sunt , dabunt .)
Hunc quoque locum è meo illo libro emendaui : cum in alios omnes , è glossemate aliquo , irrepsisset uox , argentum :



tum: quæ ita deformabat uersum, ut nulde mirer, ne Go
ueanum quidem eam sustulisse.

-curialis uernula est, qui me uocat.) Hic mihi
auxilio fuit uetus Venetus: nam in ceteris omnibus hæ
omnes uoces desiderabantur.

Sed hinc concedam in angiportum hunc
proximū.) Ita legendum esse, admonet Priscianus.
Et ita legitur in meo manuscripto, Et in uno Anto-
nianorum.

Heus, quanta quanta hæc mea paupertas
est, tamen) Ita legendus est hic locus ex libro Petri
Bembi, Et ex libro Bernardini Lauredani.

In ius? enim uero si porro esse odio si pergi-
tis,) Quid de illo, in ius, faciam, nescio. nam Et uer-
sum pede uno, quam par est, longiorem facit: Et ta-
men neque repetitio illa innuenista est, Et legitur in o-
mnibus antiquis libris.

Vel oculum exculpe. est, ubi uos ulciscar
probe) Ita emendat Bembus. in omnibus tamen ana-
tiquis reperio, ut in impressis,
- est, ubi uos ulciscar, locus.

Qui nominat me?) Ita est in libro Lauredani, Et
in duobus Antonianis, melius, Et magis ad antiquo-
rum consuetudinem, quam, ut in alijs, Quis.

e 3 -quid



- quid nunc obticuisti?) in meo, & in uno Antonianorum, pro, obticuisti, legitur, obstupuisti.

Exequias Chremeti, quibus est commodum ire, hem tempus est.) ita erat in duobus Antonianis. in alijs, iam tempus est: sed hoc uersus ratio repudiat.

Singillatim, qualis in istum fuerim?) Ita correxi e meo libro, & ex illo Lauredani. nam in alijs erat, qualis in hunc fuerim: neque ita lepide, & contra rationem metri. Sigillatim, autem pro, singillatim, qui dicunt, errant.

M. AN^o



M. A N T O N I I M V R E T I

36

I N H E C Y R A M T E R E N T I I

A R G U M E N T U M .

A M P H I L V S , Phidippi è Sostrata uxore filius , Bacchidem meretricem deperibat . is cum aliquando noctu ad eam temulentus iret , in Philumenam , Lachetis , & Myrrhinæ filiam , incidit , eamq; in uia per uim compressit . atque ita effugit , ut neque ipse eam , neque puella ipsum cognoscere potuerit . in illa autem lucta etiam annulum ei detraxit , eumq; Bacchidi dono dedit . paulo post pater eum , tum ut à meretricio amore auerteret , tū ut præsidium suæ sene=ctuti pararet , ad uxorem ducendam perpulit . contigit , ut ea ipsa uxor ei daretur , quam ipse constuprauerat : gaudente admodum puellæ matre , quæ , quia sola conscientia erat filiā è stupro grauidam esse , quam prium eam collocare properabat : ut , si forte post aliquot menses pareret , nuptijs , quemadmodum sæpe fit , obtegeretur stuprum . cecidit res longe aliter , ac putabatur . etenim Pamphilus , qui inuitissimus adiecisset animum ad rem uxoriam , quiq; auellere se derepente à Bacchidis amore non posset , ita dormiit cum uxore , ut eam ne attigerit quidem . Bacchis , quod , ea uiua nunquam se uxorem ducturum , sæpe ei promiserat Pamphilus , non nullam sibi ab eo factam iniuriam putans , multo ei minus , quam solebat , placida & obsequens esse cœpit . eo factum est , ut Pamphilus ei se paulatim

e 4 subduxerit